

Հասին մօտ 'ի քաղաքն Համա, եւ անդ 'ի վերայ Հասին ոմանք 'ի խնդրակաց, քանզի կոսկած առեալ էին թէ Եղիազար 'ի կարաւանին է. այլ կանխաւ զգացեալ նորա զայս, խոյս ետ գիշերայն, և էանց ընդ երիս իջեւանս 'ի միում առուր եւ խնդրակքն եկեալ որոնէին զնա 'ի կարաւանին 'ի մէջ ուխտաւորաց, և ոչ գտեալ անդ՝ կալան զոմանս 'ի Հօյոց՝ ընդ որս եւ զերեմիա Չէլչալի, և 'ի նոցանէ խնդրէին զնա. Իսկ նոքա բազում բանիւք ցուցին՝ թէ ոչ գիտեմք ուր իցէ. յաւելին ոմանք ասել, թէ մի խնդրէք զնա 'ի զգեստս Հայոյ գտանել, այլ այլազգւոյ. Տեղեկացեալ ապա խնդրակացն՝ թէ այր ոմն այնպիսի մեկնեալ է 'ի գիշերի 'ի կարաւանէն, պնդեցան զհետ նորա յայլ և այլ ճանապարհս և ոչ կարացին գտանել:

Իսկ Եղիազար անցեալ ընդ Անտիօք եկն և նստաւ 'ի Պէշլան քաղաք. եկն անդ առ նա եւ Դաւիթ, որ նստաւ առանձին Կաթուղիկոս 'ի Բերիա, որ և հերքեալ էր յիշխանութենէ, և 'ի կողմն Եղիազարու լեալ քաջալերէր զնա. եւ եղև 'ի ժամանել կարաւանին յայն տեղի՝ զգացին ոմանք 'ի Հայոց՝ թէ անդ է Եղիազար, և եկեալ առ նա խօսէին ընդ նմա. եկն և Երեմիա Չէլչալի՝ եւ սկսաւ կապել բազում բանիւք ընդ Եղիազարու, զիսորք ասէ ձեռն արկեալ յայդպիսի գործ՝ 'ի վտանգ արկեր զանձն քո. խօսեցաւ եւ զայլ բազում ինչ ըստ խմատութեան իւրում. և տեսեալ առ նմա զԴաւիթ՝ ասէ. ահաւաղիկ և դա զանունս ստացաւ Կաթուղիկոսի, իսկ օգուտ և ոչ մի, թող զաղմուկ խոսովութեանն և զպատառումն ժողովրդեան:

Իսկ Եղիազար այլ և այլ բանիւք լռեցուցեալ զերեմիա, ասէ ցնա. տեսցես և զարմասցիս, թէ զի՞նչ օգուտ լինիցի. և յետ ճաշելոյ անդ 'ի միասին, եւ անտի Եղիազար, և յառաջեալ քան զկարաւանն, եկն եհաս 'ի Պրուսս. եւ անտի ելեալ չու արար զնալ յԱդրիանուպօլիս առ Եպարքոսն. այլ յառաջ քան զինքն յղեաց արս հաւատարիմս առ Սալրօ Չէլչալի, որ էր առ Եպարքոսին. և էր իւր մըտերիմ եւ խորհրդակից, և ապա արար նմա զգալտանէ իւրմէ:

Իսկ Մարտիրոս Կաթացի՝ որ յառաջնմէ հասեալ էր յԱդրիանուպօլիս, գուն գործէր յինքն յանկուցանել բա.